

西藏紀略

月六年七
附錄文錄
館書國華北立國

西藏紀略序

西藏位在四川之西、為古之三危、漢之羌、唐之吐蕃地、元明為烏斯藏、其地舊分四部、一曰康、又名喀木、即前藏也、自四川康定以西、巴塘察木多等處、凡橫斷山脈中之地皆是、二曰衛、即中藏也、在喀木之西、本吐蕃建牙之所、達賴在世時曾居之、三曰藏、又名喀齊、即後藏也、在中藏之西、班禪曾居之、四曰阿里、在後藏之西、西接克什米爾、及印度之般遮布都、元明以後、西藏屢通朝貢、但僅羈縻而已、前清乾隆時、迭經征討、列為藩屬、割喀木之巴塘以東、隸四川管轄、以康屬衛、總稱前藏、合藏及阿里、總稱後藏、民國有將西康改建行省之議、迄今未果、惟劃江達以東、為川邊特別區域、有重兵駐紮、有行政長官統治、儼

然為巴蜀西陲重鎮、本年春日杭州啓建時輪金剛法會、班禪
大師蒞臨主持、此邦人士、熱烈歡迎、盛極一時、推測一般
心理、固為崇奉禪宗、亦有聯絡藏衛感情之意寓乎其間也、
余偶翻陳篋、有舊譯英文西藏紀略一冊、雖為時稍久、今昔
情形不同、惟關於歷史地理、工商政治、當亦無大殊異、爰
付剞劂、以貢一得之愚、將來交涉折衝、邊防計劃、披覽參
考、或不無細壤涓流之助云、

中華民國二十三年秋日錢文選敘於杭州上天竺山外山莊

西藏紀略

(一) 西藏歷史

(1) 疆域 西藏之名稱、歐語爲提比特、或土比特、位置居亞西亞之中部、地勢頗高、幅積廣闊、藏中各部之高原、其高於海面者、由一萬尺至一萬七千尺、喜馬拉亞山脈、及雲南上游橫行之各山脈、橫亘於南部、爲西藏之南界、中國本部之雲嶺山脈、橫亘於東部、爲西藏之東界、北則以崑崙山脈之在土耳其斯坦、及蒙古境者、爲北界、西界頗爲狹隘、以帕米爾高原爲交界之盡處、東西長約一千六百餘英里、南部山脈至北部山脈、約百五十英里、由西部至藏之中央部、平均計算、約五百英里、由東部至藏之中央部、約計七百英里、總計西藏全部之面積、約七十萬英方里有奇焉、以西藏全土論之、半爲野獸所居、半爲荒蕪之地、該地多爲游牧各民族所占領、而農民與他處、遷移入藏者、則咸集於西藏之南部、南部之居民、名其地曰鮑得鴨路、此地居民世稱之曰鮑得帕斯、印度人稱鮑得鴨路地爲伯好特、中國人則稱之曰西藏。



(2) 統治權屬中國 藏中之大部分、悉歸喇嘛治理、而統治權則屬中國、惟藏中之教權、均爲鮑得怕斯人執掌焉、西藏辦事處、建設於拉薩、拉薩者、乃鮑得鴨路之首府也、藏中各部、有附屬於喀什米爾及尼泊爾兩地者、均有酋長以管轄之、雖各部有附屬喀什米爾及尼泊爾者、然均直接受中國之統治、惟鮑得怕斯之種族、散布於各地者、日益繁興、其勢力將及於全藏矣、回溯古昔歐人於西藏事蹟、毫無所聞、故西藏一地、爲歐人未經探尋者也、當時欲尋一入藏道路、尚非易易、若欲游歷藏中各處、更屬難事矣、

(3) 氣候與交通 藏中之最高處、其氣候與北極之氣候頗相似、與熱帶氣候迥然不同、是以藏中氣候不易調和、因之西藏天然物、不能與印度比美、故關於藏中交通之事、亟宜提倡、以便印藏居民之往來、庶可藉以調和氣候也、雖然藏中交通所以不便者、蓋有二大阻力焉、藏中爲衆山環繞之區、多懸巖峭壁之地、而坦途甚少、阻力一、藏中居民多未開化、故其社會上之現象、以及生活之程度、均未達於完善之地位、故不注意於交通、阻力二、有此二阻力、故自昔至今、藏中之交通不能發達者、職是故耳、苟欲用兵於印度若遣大軍由藏入印、不可得也、

(4)

當成吉思汗時、雖發現一入藏之路、該路甚爲迂遠、係由博克汗耳阿及阿富汗尼斯坦、以至西藏、然此路究不得謂由蒙古入西藏之正路、歐洲探險家入藏之始、古昔歐洲之探險家、每欲發現新路、以爲探尋西藏之計、久之未能者、因其非易事也、當十四世紀、相傳有鮑爾底龍之道教徒、阿多氏、由卡澤旅行入西之拉薩府、其後歷三世紀、有天主教徒安得拉塔者、由印度入西藏西部之馬拉薩羅臥耳湖地方、旋沿馬拉薩臥耳湖行、深入唐古特地、以及中國之西北部、西歷一千六百六十一年、格魯伯耳及杜耳微利二人、以游歷爲名、由北京起程、潛至唐古特、以入拉薩、復由拉薩經尼泊爾以至印度、當十八世紀之前半、加布清教徒、以傳教爲名、得自由往來於底路西及拉薩之間、或取道于尼泊爾、或取道于克什米爾、悉聽其便焉、英人首入西藏者、爲喬耳治鮑格利、時在一千七百七十四年也、由赫斯丁府、以使節往謁後藏之搭施喇嘛、一千八百十一年、陶姆曼靈氏由印度至拉薩府、凡前次英人之入藏者、均未達此神聖之首府、以探悉其真象、至陶姆曼靈氏、始竟其功焉、然未幾而去、當十九世紀時、藏中法令森嚴、禁止歐人入藏、以防其窺探、卽有人私行入藏探尋、一經覺察、無不立即驅逐出境、

一千八百四十四年至一千八百四十六年、有法蘭西教士赫克及葛貝特二人、由中國潛行入西藏之拉薩府、以實行其窺探、旋被藏人查悉、立即驅逐出境、一千八百六十六年、阿伯大斯高頂氏以游歷爲名、得許入藏、經西藏東部至撒木都、但不得在拉薩附近一帶游歷、蓋亦防其窺探也、步以上探險家之後塵而入藏者、爲俄之大佐伯衣維路斯克、週游藏中之北部、惟藏中南部、以其近於拉薩府、故未得而入焉、由是以觀、則知昔日藏中法令至爲森嚴、對於歐人入藏一事、絕對禁止、間有一二潛入探尋者、亦皆備嘗艱險也、

(5) 西藏與圖之發現 歐洲輿地學家、得有西藏與圖者久矣、當十八世紀之初、藏中喇嘛始測量藏中地勢、編輯成書、付梓以行於世、斯舉之發端也、係由天主教之神父、奉前清聖祖仁皇帝之命、測繪中國輿圖、由是藏中僧侶、始經營此事、以資考證焉、後歐人得安威利氏所編輯之西藏與圖、即以該喇嘛所編輯者爲其基礎、其後一千八百二十四年、德之探險家克蘭伯虜德、編輯亞洲輿圖、亦以該喇嘛所著者爲標準、該圖爲藏中輿圖之初本、故略而不詳、其所測繪者、大都通衢之鄰近處所而已、且圖中之錯誤亦多、各地方之距離與方向、或得之傳聞、或參以己意、究難免識者之譏、即云以天文學測算

位置爲其標準、然亦未甚合宜、如拉薩與巴塘爲最重要地方、其距離以緯線計之、僅云三十英里至六十英里耳、其錯誤有不待智者而知矣、

按歐人地理學上之知識、於西藏西部各處、知之獨詳、實以西藏西部、隸於克什米爾王統治權之下、故得實地測量也、是以編輯亦較他部爲詳、近二十年來、印人於藏圖復大加增補、精益求精、其著名之編輯家、爲那音新氏及克里撒那氏、該二氏乃探尋喜馬拉亞山之著名探險家也、歷經艱險之地、而其所過之境、均爲歐人足跡未至之處、地輿學貴乎實驗、故該二氏之著作、最有價值焉、

(二) 西藏區域

(1) 地理上區域之劃分 西藏區域、以地理上之關係、普通分爲二大部、曰前藏、曰後藏、(前藏所佔領區域、居藏中最大部分、後藏所佔領者、僅小部分耳、)前藏在東經一百零二度、及七十九度之間、後藏在東經七十九度及七十四度之間、前藏分爲東西兩部、西部多高原、大抵高原多而大山少、湖水多而河水少、東部則爲斜面形、地面上多起皺紋、土人呼之曰爾汪耳特色伯、(藏語)譯言溝壑之區也、後藏則喜馬拉亞山脈集於中央部、遙與崑崙山脈

相接、後藏高原之地、以經緯線計之、較之前藏尚不及四分之一、西藏全部、自南至北、可分爲三帶、曰南帶、曰中帶、曰北帶、南帶各部爲農民聚集之處、藏中最開化之民也、中帶各部、爲飽得怕游牧人之牧場、北帶之大部分、率皆荒蕪之地、爲奇異野獸往來之區、其餘小部分、則爲土耳其種、及蒙古種游牧之民所佔領焉、藏中各部、以中帶南帶爲最適宜之處、共分爲四省、(一)曰拉里省、居於西部、自東經七十四度起至八十五度止、(二)曰克赫阿木省、又名都克赫阿木省、居於東部、自東經九十二度三十分起、至一百零二度止、(三)曰藏省居於中央部、與西部拉里省毗連、(四)曰烏省、或烏斯省、又名沃省、或威省、與東部克赫阿木省毗連、其中央兩省、普通謂之曰烏藏省、蓋合二省爲一省也

其中帶附近之各地、謂之曰赫爾省、佔中帶及北帶區域中之大部分、飽得怕斯人呼之曰瞻塘、或謂之曰北部平原、惟瞻塘雖係平原、然自東經八十度起、至八十五度止、有向南突出之地、以與喜馬拉亞山脈相接近、故藏中農民、與各部游牧之民、遂以此地爲其天然之界限、而北帶之西界、則以帕米爾高原爲其交界之盡處、

(2) 西藏高原 西藏高原、其最高之點、則高於海面一萬七千六百尺、該地屬北帶之靈澤塘、以子午線計之、當在七十九度、從該處漸向東西南三方面低下、居子午線九十七度之高原、在北帶者、高於海面約一萬三千五百尺、在南帶者、約一萬尺、其在北帶各地、居於八十二度與九十度之間者、自藏中喇嘛測繪與圖發行於世之後、世人始知該地之名稱、前此則未之聞也、據喇嘛所繪之圖、以考證地面有山脈數小支、為緞紋形、湖居其大部分、重要之河流則無之、

(3) 西藏河流 西藏河流發源於北帶者、流至子午線九十度之東、復由該處會他水入於底珠、(即中國之金沙江)底珠之總匯處、即與底珠耳阿伯敦相會合、該處即東經九十四度三十分、

按藏語謂河流、曰藏布、或珠、藏布即河之義、珠即水之義、藏布之名稱、在西藏南部為通用語、如雅魯藏布江、及其支流、呼之為藏布、是其例耳、又藏人謂湖曰沼、謂山徑曰拉、此皆西藏之習慣語也、其在北帶者、又有撒木都河、即中國之瀾滄江、此外則有紅河、約居東經九十六度、該河由發源處、東流穿過喀林湖、及歐爾林湖、轉向北流、出西藏

界、以達崑崙（喀林及歐爾林兩湖、周圍均約四十英里以外、高於海面約一萬三千五百尺、）又澤珠或云鴨隴江發源處、居東經九十度、南流以達藏東中部、中帶之河流、皆以湖爲其總系、居東經九十度、湖水出湖、東流爲那格珠河、又東流爲索克珠河、又東南流爲格阿馬奴珠河、格阿馬奴珠河者、卽中國所謂之渣滋江也、轉而向南流、曲行爲喜馬拉亞山之極東處而止、其在南帶也、印度河及雅魯藏布江、起源於東經八十二度之間、二河同流、作平行線、流入喜馬拉亞山境、再經喜馬拉亞山罅隙處、當經度二十度之間、分爲東西、流入印度、而布拉馬浦得拉江、發源於喜馬拉亞山東部、由發源處向西南流入印度、以上所述、係指藏中河流之發源、及其流域之大概、綜計格阿馬奴珠河、齊木都河、珠河、以及底珠河、均向南流入緬甸、及雲南、其毗連該處之山谷間、皆爲該河流域所經之地、間有一二凸出之高原、或凹下之低原、皆其往來衝蕩之所致也、居子午線八十二度以西之地、有分水嶺、橫亘於東西、以劃分南北界、（卽馬司搭及克魯庫魯木嶺、又名土耳其克之分水嶺、）印度西藏之水、與土耳其克西藏之水、以此爲分界焉、在子午線以東之分水嶺、左右亦有河流數處、

(4)喜馬拉亞山一帶之形勢 喜馬拉亞諸山、橫亘於西藏南部、爲藏之南界、其區域甚爲廣闊、山脈縱橫綿延不絕、諸山起伏、沿高原之斜坡以進行、均互爲平行線、諸山脈之起於南面者、較北面之山脈高數倍、以故南面諸山脈、每與他部橫亘、隆起之地相聯結、惟在他部之山脈、因地勢低窪之關係、遂時有斷絕阻隔之處、其斷絕阻隔之處、實爲湖河流水沖洗之所致也、諸山中最髙之峯、以埃威耳威斯特峯爲第一、位置居於中央、高於海面二萬九千尺、埃威耳威斯特高峯、所積之雪、經年不化、其嚴寒可知矣、故此山脈、以地理之關係、遂爲印度及西藏天然之境界、然印度與西藏兩部、幅幘均屬廣大、故亦有數處、以分水嶺爲兩部之境界、惟山脈過於綿長、其間斷絕之處、亦在所不免、故遇有此等斷絕之處、則其分水嶺、咸歸束於高原內部之山脈、而在此兩山脈之間者、遂成爲貯水之區、積久不涸、復成爲水淀矣、由淀復歸於河、以流入於印度平原、惟平原之地、流域寬闊而淺、山谷之地、流域狹隘而深、狹隘而深之處、地勢必低、氣候必暖、於農業最爲適宜、較之平原流域廣大者、其獲利不啻倍蓰也、

較喜馬拉亞山附近之平原稍高者、曰瞻塘、(卽藏中北部之平原、)瞻塘地勢

過高、氣候嚴寒、不適於耕耘、故除作牧場之外、別無他用、瞻塘者、按其語意實卽北平原之義、惟該地居人、以此地適於牧場之用、故謂之曰瞻塘、其有肥饒之地、氣候溫和、適於耕種者、居人悉謂之曰耳隴格、耳隴格有數意、特誌之以資考證、(一)曰洞壑、(二)曰狹隘之山谷、(三)曰山之罅隙或地隙、以上所述、非正當之意義、實則耳隴格有狹義廣義之分、狹義者、猶言低窪溫和之地、五穀之生產、每年可收穫二次、廣義者、猶言溫知之地也、其始也、流域以內肥饒之地、大半爲冲積之區、所謂冲積地者、積各項碎物於其中、并雜以四圍之巖石、其各項碎物、初由高處或山谷流出、漸積於地平處、以爲其貯蓄之所、漸積漸高、遂成地層、各處高低、參差不齊、故成斜坡形、惟其間因有狹隘之平地、以接連各側面、故無斷絕之處、現時各冲積之低地、以及一二冲積之高地、多從事於農業、各處農田水量充足、土地肥美、然耳隴格間、亦見有奇峯峻嶺、以及不毛之地、終年積雪不化者、而其氣候亦甚嚴寒也、其在瞻塘地方環繞之諸山、最高之度、達一萬六千尺以上、該山雖非不毛地、惟吾輩所見則不過苔蘚草芥而已、其在耳隴格地方諸山、則林木繁盛、隨地皆然、藏中山脈大小參差不一、普通皆取東西方向

、惟山脈在藏中西部者、則取西北與東南方向、在烏省（或烏斯省）則取東北與西南方向、而藏中東部之山脈、則取南北方向焉、其高峯高於海面二萬尺、與二萬五千尺之間耳、（在莫司達之連山者、高二萬八千二百五十尺、）但一萬餘尺者甚少、亦常有不及平原起伏處之平面數百尺者、各處之分水嶺、大半以山背及平崗爲界、而山背及平崗之頂、離地面頗不覺高也、

(5) 拉里省 西藏西部之拉里省、居其西部者、復分爲二部、一曰郎德克部、一曰伯爾特部、居東經七十五度、至七十九度之間、現該地爲克什米爾之一部、在其東部曰庫爾蘇省、居東經七十九度、至八十三度之間、與英屬印度之喜馬拉亞省相接壤、又有曼亞綠省、（或謂都克照路省、）居東經八十二度、至八十七度之間、與尼泊爾相接壤、庫爾蘇及曼亞綠兩省、則均在拉薩府統治權之下、拉里省西部、與喜馬拉亞山脈南部之雪峯相毗連、該雪峯從曼那蘇耳臥耳湖、取西北方向、延長至南哈巴耳伯特嶺、成爲一直線、（高於海面二萬六千六百二十尺、）雪峯初與澎哲伯達遙相對、轉而過克什米爾、則北向焉、

喀喇克魯木嶺、其通路之要隘、高於海面一萬八千五百尺、此外各地無高於

高原者、喀喇克魯木嶺間之分水嶺、居印度與土耳其斯坦之間、以與林仔塘高原相隔絕、林仔塘高原者、西藏最高之高原也、分水嶺自西徂東、至于午線八十二度爲其盡處、

(6) 庫爾蘇省 庫爾蘇省全部中之大部分、與瞻塘地勢頗相類、北平原地氣候嚴寒、不適於耕種、惟庫爾蘇省首府、耳若都克附近一帶之高地、耕耘之事、頗爲發達、此外從事於農業之地者、如格耳塘流域、耳隴格地之廣大平原、(長一百二十里、闊十五里至六十里有差、)以及蘇特里自河上游之低地是也、庫爾蘇省、幅積雖不甚廣大、惟河流發源於該省者、則有四大支流焉、一爲印度河、一爲雅魯藏布江、一爲蘇特里自河、一爲喀爾那里河、曼那蘇耳馱耳湖、及耳阿喀斯湖、發源於此、而此湖高於海面一萬五千三百尺、各湖周圍均約五十英里、此外著名之山有二、居於南部者、曰尼牟那木嶺、高於海面二萬五千三百六十尺、藏人均以此山爲西藏最高之山、居於北部者、曰開拉斯剛德里山、(高於海面二萬一千八百三十尺、)由開拉斯剛德里山分出一小支山脈、蜿蜒於西北部、以區分印度河及蘇特里自河之流域、向北部者、亦有一小支山脈、分走東西、至阿嶺剛德里峯之中心、(高於海面二萬四

千尺、)以分印度河班光湖之流域、(長計一百英里、廣由三里至七里不等、
)其最高度達一萬四千尺、近於此地者、即庫耳蘇首府、耳若都克也、由郎
德克省、至拉薩府、其間所經行之路、為耳拉汪及色耳兆路之平原、陶克哲
龍及陶克道耳拉克巴金礦地、以及郝爾省等、

(7)曼亞綠省 曼亞綠省、所佔領之區域、為鴨綠藏布江上游之流域、藏人謂之
曰藏里珠、(猶言拉里之河流、)曼亞綠省、總匯水之處有二、於(一)曰閘珠
、(二)曰閘耳他藏布、該省全係北平原、故氣候嚴寒、不適於農業、在該省
之居民、大半為游牧之民、惟首府薩耳克瞻、為該省中最適宜之地焉、
拉里及烏藏兩省之境界、約居子午綫八十七度之間、烏藏省者、乃瞻塘省、
(即北平原)及喜馬拉亞山分支也、其南界偏向東北毗連烏藏省、因其與烏藏
省相近、故每年產出米谷少許焉、

(8)烏藏省 烏藏省、係鴨綠藏布江流域之地、為藏中最重要之區域也、其繁富
之市鎮、及飽得怕斯有名之寺觀、皆會萃於此、而其西部河流入藏之處、農
田相望、

烏藏省第一重要之市鎮、為瞻拉克、(此處高於海面一萬三千六百尺、)居雅

緣藏布江之右岸、其著名之寺觀、亦建設於此、貨品欲運往遠方、須以熟皮所製之船、置於木架上、順流而下、運往各處、卸貨後此船即輕快異常、可由陸地運回焉、由鴉綠藏布江右岸、順流而下、約八十五英里、即爲西喀特自、或稱低加爾其城、(高於海面一萬二千尺、)及他西龍浦之大寺院、爲達施喇嘛所居之地、藏中教權、歸達施及達賴喇嘛執掌、二喇嘛有同等之教權、藏人謂活佛、降生於世者、即指此二喇嘛而言也、達施喇嘛府、居於此地、而達賴喇嘛、則駐紮於拉薩大寺院中、喇嘛之總數、共三千五百名、瞻拉克與西喀自兩市鎮之間、耳阿克藏布河、由瞻塘左岸流入於江、薩克亞征珠河、自右岸入於江、薩克亞征珠、發源於喜馬拉亞山之分水嶺、經過薩克亞大寺院、(高於海面一萬三千九百尺、)以故寺觀附近各地農業、甚形發達、寺觀之事、設一喇嘛長、總理之、藏人敬之如神、呼之曰薩克亞格馬、在西喀自地、有比那洋珠、從山谷間流入於鴉綠藏布江、向東北流、該地有二市鎮、一曰比那莊、一曰格安自莊、(高於海面一萬三千尺、)此外寺觀、與村落均多、由此則蒲塘至西喀自之通衢也、於千七百七十四年、有鮑格路者、曾游歷其境焉、自此以下、又有珊瑚河、自左岸入江、珊瑚河發源於靈晉桑

拉山脈間、經那木嶺市鎮、以入於江、（那木嶺高於海面一萬二千尺、居民約二百戶、）該市鎮畜羊甚夥、人多僱用、以運送行李、緣該地氣候嚴寒、路逕崎嶇、故牛馬不適於用、過此至桑浦地耳龍格珠河、由著名之押莫奪克、或錫形湖流出、取東南方向、自右岸而入江、錫形湖周圍一百二十英里、（高於海面一萬三千八百尺、）湖之附近、有村落、及寺觀環繞之、湖爲錫形、故其形似半島組織而成、（高於海面約一萬六千尺、）其山嶺處各類草芥生殖最爲繁盛、搭木仔神湖、爲其所遮蔽、惟該湖周圍約二十英里、較之錫形湖尚高五百尺、苟一旦潰決、則下部牲畜之生命、均付之東流矣、此地爲由印度入藏之路、卽由印經過不丹、由西喀自至拉薩、均以此地爲中心點、湖水自此過克木巴拉、（高於海面一萬五千尺、）至嘉哲周耳義地、與鴨綠藏布江會合、（在河之右岸有鐵橋一座、）河自桑浦流於此地、其間爲不可通航之路、夾岸水流喘急、險阻異常、岸並無道路、亦無可通行之徑、橋下奇珠河、自左岸流入、奇珠河者、卽西藏首都拉薩府之河流也、

（三）西藏工業

（1）工業 藏人雖於採取五金、特具技能、然其工藝頗不發達、故其製造偶像及

小鐘、多抄襲印度人之成法、至藏人所用之鐵、取之於本地所開之礦、而鐵之純美、無與比倫、用之以造成精鍊之刀劍、及他種之軍器、藏人甚愛寶石、然不知其採取之法、而藏人工藝最發達者、為採取羊毛、此項羊毛、實為西藏本部無窮無盡之重要商品也、

(2) 紡織品 紡織多係女工、夏衣所用之布、為衣瓦瓦、(藏語)該布以丹參或靛青染之、此布每疋寬八尺、或一尺、長十二碼、另有一種布疋、名赤兒潞或名撲爾路克、(藏語)即一種上等羊毛所織、精美細密、銷場頗旺、此布常在的布烏斯省、(即烏省)所製造、又名為的布烏斯撲爾路克布、(藏語)普通顏色、多染為紫色、特爾麻(藏語)薄羊絨布、為最上之品、即一種細絨、而與氈絨相似、亦染紫色、但此布分為二種、一名紫托爾、(藏語)、係羊之肩毛所織、一名巴樂托爾、(藏語)、係普通羊毛所織、沙郭拿奪(藏語)、由精美之羊肩毛所織、至精美之布、此外斯拿莫布、(藏語)布係一種羊絨布、粗而不密、普通之斯拿莫烏布多不染色、

(四) 西藏商務

(1) 商業 藏人多從事商業、由國王與大臣及喇嘛遣派官吏為商務之監督、名之

曰查爾傍、進口出口之商務、皆爲商隊所經理、而商務卽照其一定之通路、與所曾歷之艱險、然後用牛羊以轉運其貨物、藏中最大市場有二、一爲西喀自、或云低加爾、其一爲拉薩、該處商隊、由中國蒙古卡莫、四川巴塘、西其莫、泥泊爾、喀什米爾、郎德克等處、商隊至西喀自、與拉薩者、多在臘月正月之間、商隊之進行、有四大要路、第一第二要路、係由打箭爐起行、第三要路、長有九百十五英里、係由中國甘肅之西林起行、沿喀喀樂爾以達折恩、由折恩以達底珠拿布頓、橫過河馬或丹郭喇下游、再經箕兒路湖漢爾拿湖、以達拉薩、此路非他處可比、人多不常行、因沿途盜賊蜂起、結隊以擾亂行旅、該匪等多向西林進行、是以此路禁止中國人行走、免遭盜劫之事、由西部來藏最重要之路、以勒省爲起點、經過格爾托克馬、拉薩羅臥耳觀、慕爾里莫、塔打莫西喀自、以達拉薩、商隊每年一次、從此路進行、而平時亦有數次、間由此路以赴內部各處、市場定期之大會、沿途備有犏牛三百頭、以爲運貨之用、並可供給行人之食品、西藏之商務、在其交界之處、西林爲西藏與蒙古北清商務之中心點、打箭爐爲西藏與四川之中心點、亞薩莫達旺基里、及烏達樂構爾里、該二處有商品大會場、與塔旺通路相連接、每

年舉行商品大會兩次、大吉嶺爲羣崑流域、商務之中心點、而其西部怕特拿、以爲泥泊爾、勒省、喀什米爾、等處、交通之孔道、由中國輸入各種絲綢、（惟佛教徒偏執已見、不准藏人育蠶、違者處死、）絨氈鐵器、由蒙古輸入、熱皮鞍具羊馬等、由卡莫輸入、香類由四川輸入、磚茶（每年磚茶約有六百萬磅、）由塔旺不丹、西其莫、等處輸入、藏人多不用茶葉、而用茶磚也、米穀烟草由泥泊爾輸入、羅紗、絲綢、被、珊瑚、真珠、糖、香料及印度織造品、由郎德克、喀什米爾輸入、咱夫藍及印度商品、與金銀等、爲其出口之大宗、其次爲鹽、羊絨、毛製物、皮革、藥料、麝香等、

(2)

輸出品之數目 西藏貨由泥泊爾郎德克之道路輸出、多以犂牛尾、珊瑚、金銀馬駒等爲大宗、一千八百八十二年、與一千八百八十三年、由西藏輸入印度之貨、每年計五萬八千三百二十二磅、澎哲伯一萬七千七百十磅、西部及噠的共四萬六百十二磅、西藏之入口貨、達二萬四千一百九十七磅、由澎哲伯輸入之貨、計一千五百三十磅、由西北部及噠的輸入之貨、計二萬二千六百六十七磅、西藏出口貨之大宗、爲珊瑚、計一萬七千二百二十二磅、鹽計一萬三千九百七十八磅、羊毛、毛絨物、計四千九百三十六磅、進口之五穀

、計一萬三千五百八十七磅、棉貨計二千八百七十五磅、糖計二千三百九十五磅、當一千八百八十三年與一千八百八十四年、西藏之硼砂出口貨、已加增一萬二千三百二十九芒夸、(即印度量名)、約四百五十三噸、羊毛及毛製物、已增加二千二百四十四芒夸、(約八十二噸)鹽之出口、已增加五百七十三芒夸、(約二十一噸)、西藏硼砂全額輸入克猛恩、其重量錢及克猛恩米穀輸出於西藏之二倍、蓋克猛恩與西藏分界、其交換之常額、皆二倍硼砂易一倍米穀、故出口貨之總額、每超過入口貨約二拉克、(二十萬盧布)、當一千八百八十五年、與一千八百八十六年、輸出之羊毛、毛製物、由四千三百磅、以達八千八百磅、然此等輸出之數目、因英國與西藏之商務、無直接之觀念、而大宗貨物多經泥泊爾也、俄國所出紅藍綠紫各色粗羊絨布、以及粗呢、此種粗呢、織之甚厚、且有花色、皆由葉爾干、運入西藏全部銷售、

(五) 西藏治政

(1) 西藏政治之情形 自一千七百二十年、西藏爲中國藩屬以來、而西藏久在四川總督管轄之下、中國政府又簡派大員二人、一爲駐藏辦事大臣、一爲幫辦大臣、一切外交軍政、爲該大臣等所專主、其民政教權、仍歸藏人自治、駐

藏辦事大臣、三年一任、該大臣之次、有委員二人、藏語名達路西、收稅官二人、一駐拉薩、一駐布西卡爾茲、卽西喀自、或名低加爾其、又其次有武員三人、一駐拉薩、一駐低加爾其、一駐丁郭里、近泥泊爾交界之處、再其次又有武弁三員、(藏語廷幫)卽武員、屬下之弁目、派遣駐防者也、向例中國派遣兵丁至藏、凡在藏各部統所統之兵丁、不得逾四千五百人、拉薩二千、低爾加其一千、哲安旗一千、丁郭里五百、而民事之權、仍操自達賴喇嘛、至爾亞綠巴林布斯、則駐於普達喇著名之喇嘛廟、凡有非常之事、不能解決者、則以其判決而後定、爾亞綠巴林布斯、乃一專官、職任終身、係奉中國政府之敕命、予其封號、名的斯爾里或稱爲古蒙羅莫汗、(藏語云爲法律上酋長之意、)爲西藏各部之長、藏語爾亞綠布、卽爲賴喇嘛之首相、當達賴喇嘛未及歲時、卽以其攝政也、彼由拉薩相近之喬莫林、拱多林、塘亞林、渣約林四部之喇嘛中選出者、又名爲大寺院之首領、(藏語稱爲奪根巴、或名烏樂根巴、)

按藏中雖設官分職、然內政紊亂之事實多、藏人閉關自守、阻碍交通、故其結果遂發生二問題、(一)一千八百八十六年、由英國政府、麻老雷君提

出維持之重要議案、特派專使赴拉薩會議商務事件、(二)強制泥泊爾政府
結約、俾令全藏商務、皆得從泥泊爾通過、

(2) 西藏宗教之情形 以上四部之喇嘛、亦如達賴喇嘛之化身、當其賓天之時、
即爲活佛再生之日、遂可以任此職、達蘭之的巴喇嘛之品級、與羅莫汗之品
級相等、達蘭卽拉薩附近之大寺院也、然的巴非活佛化身之喇嘛、而係受中
國之敕封、的巴以次、又有郭爾路喇嘛、或稱之爲纏蒲蘭、卽達賴喇嘛屬下
之牧師、以其爲宗教上之指揮官、彼或亦係化身之活佛、不得而知也、然其
委任之權、實操自中國政府、由此以觀、中國之政權、而能施及於西藏之教
權、此一大趣事也、羅莫汗之下、有五牧師、以爲之助、五人中有四人係常
人、分任財政、司法、稅務、等事、第五人係喇嘛、專管教務、捫郭利渴爾
蘇、奪布、烏斯克藏、卡木斯四省、各受知事(藏語布卡龍)一人統治之、知
事並隨帶有下級委員、此種官吏、皆在羅莫汗權力之下、此外尚有下級之首
長、或名爾亞綠浦斯、惟不在此四省之內、而在此數省以內者、又有部長四
人、直接受中國政府所派委員之管轄、一名達亞、或稱赤爾累、一名楷木都
、或稱齊木常、該二處均在東部、一名布爾拿歲司龍浦、或名達施龍浦、該

處爲班生林浦斯喇嘛所駐紮之處、彼無所受之權、惟達賴喇嘛執掌教權甚關緊要、既爲活佛化身、又受中國皇上敕封、而承認其抽籤選舉之法有效也、一名撒克亞鉛馬、在西藏之西南部、此外又有中國官吏、(藏語名業靜)駐紮拉薩、彼監督全藏下級酋長、每五年拉薩齊木都打箭爐遣派專使、賞備禮物、進貢中國、在藏之東部、有達爾芳、或名奎克之領土位置、居鴉隴江之上游、由酋長管理、承認中國之主權、自一千八百十三年、又與拉薩之酋長相和好、願服從於彼、在鴉隴江之上游、卽誠托族、或名遮爾龍格族、中國征服西藏、該族遂臣服於中國也、但自一千八百六十四年、中國政府已將該族付與拉薩達賴喇嘛統治之下、卽派達賴爲彼等之代表、誠託之南、卽爲爾托斯木都之領土、或名達爾清都、(卽打箭爐)、該處行政、由其內部酋長管理、中國名之曰盟長司、藏人名之曰爾哲押、(藏語酋長之意)、仍由中國官吏管理也、

中華民國五年六月拾壹日收到



